

廣東通志

道光二十年正月初二日英國高拉疑兵
船船主吐噍與澳兵總書請進一兵
船至澳護住澳英夷請勿理我與中
國之事兵總書言兵船進澳歷來所
無如欲圖我我聲爾罪於萬國矣吐
噍復奉書兵總言英人欲寄西洋旗
下居住乞為保護免受中國苦磨兵
總覆言澳受中國管束容爾住中國
封禁伙食全澳立斃爾住船何礙爾
但知英人失所之難不思西洋五千

人為爾受累亦甚難也何不思如此

(海國圖志所輯夷事彙言錄要)

林則徐奏委高廉道易中孚香山協
副將惠昌耀駐澳防範先後派兵勇
一千三百餘名

案此事當在冬春之間

後又添

調督換兩標兵連前合二千名派委
參將波督善副將多隆武守備程步
韓俱屯澳(同上)

前山營有一項從洋商捐出生息嘉
慶十四年奏作添設前山營兵餉之



皆主戰其貿易商人皆不欲戰連日
 議不決最後拈闔於羅占士臣廟三
 得戰鬪始決計國王命其外戚伯麥
 為統帥率兵船十餘及印度駐防兵
 艦二三十艘至四月林則徐奏聞詳前記
 是月知縣林星章倡修節孝祠詳會縣志
 三月十六日城南胡之隆染戶曝所染
 綢帛於阿閣故址忽旋風吹帛數百
 幅綺散半空墜三里分繞於太平神
 雙塔之上頃之風定悉吹還故處不

矢其一（順德縣志）

五月英夷大小兵船十二火輪船三先
 後至粵泊金罍門其餘泊老萬山外
 林則徐以火船十艘每二艘絙以鐵
 索乘風潮攻之焚其杉板小船二喚
 夷自是不敢兵海口（夷艘窮海口）

自封港後英夷貨船至者二三十艘
 皆不得入口十一月義律復遣人稟
 言在粵辦事多年自後請照大清律
 辦理而無違於本國之法乞仍許英

夷回居澳門俟國王諭至即開貿易
 林則徐不許時夷人貨船十餘艘及
 續至之船寄泊外洋不肯去而粵洋
 澳船蜆艇貪其厚值給以薪蔬且買
 鴉片趨者如鶩林則徐奉命總督兩
 廣與水師提督關天培謀招募澳艇
 蜆戶攻之於長沙灣燒奸民之船義
 律回國請兵其國頭目伯麥率兵船

（夷艦炮海記）

林則徐知夷人不敢中國水師而畏

北海梟徒及澳船蜆戶於是招募丁
 壯五千又於虎門之檔嶼設鐵練木
 筏橫互中流購西洋各國夷礮增排
 兩岸又雇同安米艇紅單船拖風船
 為戰艦親赴獅子洋校閱水師下令
 每殺白夷者賞銀二百元黑夷半之
 斬義律者銀二萬元其下領兵夷目
 以次遞降獲兵船者火藥礮械繳官
 餘盡充賞於是夷船之漢奸皆為夷
 人所疑忌盡遣去澳門之西虎門之

東皆有兵嚴守夷船至粵旬日遂竄
赴各省(同上)

是月再焚夷船於磨刀外洋延燒匪
艇十一隻蓬萊九座(國史館林則徐傳)

則徐尋謀知英夷款未兵船游駛外
洋奏請沿海各省嚴備六月英夷改
犯浙江臨定海掠寧波則徐上疏自
請治罪並密陳夷務不能中止略云
英夷所憾在粵而滋擾於浙雖變動
若出意外其窮蹙實在意中惟其虛

懦性成愈窮蹙時愈欲顯其桀驁試
其恫喝甚且別生秘計冀售其奸如
一切皆不得行仍心帖然俛伏第恐
議者以為內地船破非外夷之敵與
其曠日持久不如設法羈縻抑知夷
性無厭得一步又進一步若使死不
得克即恐患無已時勢心他國紛紛
效尤不可不慮(國史館林則徐傳)

七月林則徐親駐虎門督師官兵水路
夾擊轟傷夷船沉其三板數隻獲敵

大小二百有奇(同上)

是月廿二日未刻英國嘩喻倫等率三板十餘火輪船一由九洲洋駛至澳門閘閘突然開礮官兵迎擊隨遣易中孚率署澳門同知蔣立昂香山縣丞湯聘三由南而北署擊慶協副將多隆武督標副將波習善由北而南署提標遊擊阮世貴等在往來接應惠昌耀率師駛至青洲水陸夾擊壞夷船桅柁沈三板數隻夷兵墮

水者藉藉旋有夷船來助香山水師兵丁羅名贊曾有良麥朝彪三人轟炮連斃夷兵目一人夷兵十餘人夷船且戰且逃至戌刻向九洲洋竄去檢獲夷礮彈大小二百餘重十餘斤或三十斤不等官兵死六人壯勇死三人波習善水師守備陳宏光面目俱傷署香山縣知縣吳思樹聞夷欲犯前山即帶鄉勇至前山策應雇繪船八隻堵禦內河隘口林則徐隨添

設各路兵共八千名屯澳夷船隨窺
磨刀及伶仃洋(林文忠公奏稿)

英夷志不得逞謀所以去林則徐者
乃猝往厦門定海破城池殺官吏而
林則徐去粵矣澳內之屯懈而英夷
復橫(採訪冊)

知縣吳忠樹副將惠昌耀奉檄防夷
派捐軍費修治城池礮臺水柵以紳
士分董其役特太平日久兵事廢弛
惠昌耀勒兵不出惟取沙數百囊堆

四城門側下令夷人入則閉門壅以
沙囊慎勿戰(同上)

八月再敗之龍穴洲(國史館林則徐傳)

時夷船惶亂不能拒僅放穴礮他船
未援我軍轟斷其蓬索不得進遂乘
潮南竄二沒斃夷衆莫官兵受微傷
僅數人(同上)

九月詔以琦善為欽差大臣赴粵查辦
夷務(欽定四庫全書)

時英酋伯麥及義律以五船赴天津

投書書乃其國巴釐滿街門寄大清
國宰相之詞一索貨價初次書尚不敢對言

煙價以貨價為名後乃顯言索煙價

二索廣州廈門

福州定海上海為市埠三索敵體平
行四索犒軍費五不得以外洋販煙
之船貽累岸商六盡除洋商浮費直
隸總督琦善奏庫貯洋人兵船未北
上其意惟求通商會有蜚語言上年
廣東繳煙先許價買而後負約以致
激變者詔以琦善為欽差大臣赴

粵查辦莘林則徐鄧廷楨職仍留粵

(洋艘往撫記)

按逸事識餘云浙事亟撫軍

烏爾恭額昧於防禦倉卒張皇獲重
譴直督祁項惴惴焉慮英犯天津輪
船不瞬息而至將為浙撫續且先在
保定與公議事不合公又嘗為其屬
吏斷斷持正相鑿枘突英人詣天津
卑詞訴屈求互市而不以其戎費出
其望外知煙未易禁使非禁絕已為
重臣無可逃免也計不若痛劾公可

取悅英而速行成冀卸責又幸為見
好地悍然以激變為公罪與首輔比
而恭公即奉有赴粵查辦之旨竟代
公任考查辦代任者為琦善逸事識
餘誤

十月欽差大臣大學士兩廣總督琦善

至廣州(戴村志)

琦善至查上年義律繳煙印又欲吹
求林則徐罪不可得則首詰劫船之
投何人先南礮欲斬副將以謝英人

又撤散壯丁數千於是水勇失業變
為漢奸又撤橫槽水中暗樁而英人
則日夜增造三板小船招集販煙之
蜈蚣艇解艇數百此外火箭噴筒竹
梯攻具增造不可數計(詳履程摺記)

十二月十五日英人攻沙角大角礮臺

副將陳連陞戰死(戴村志)

琦善聽鹽運使王篤之言盡屏廣東
文武專用漢奸鮑鵬往來傳言其人
故奸人嘯咷之孿童為義律所輕視

義律與琦善信云若多增兵勇未敵
 即不准和於是已撤之兵不敢再調
 凡有報緝漢奸者則訶曰汝即漢奸
 有探報洋情者則抱曰我不似林總
 督以天朝大吏終日刺探外洋情事
 一物反前任所為謂可得英人歡心
 實天培密請增兵琦善恐防和議不
 許償洋高煙價銀七百萬圓而英人
 必欲索埠地琦善前以香港為粵海適中之
 鄧廷楨廷楨言香港為粵海適中之

地環以尖沙嘴楊帶路二嶼巖風少
 浪若今英人築臺設礮久必窺伺廣
 東琦善既據以奏聞不能自背前奏
 筆舌往反終無成議義律遂乘其無
 備突攻沙角大角礮臺連陞久懋川
 楚戎行之老將兵止六百洋船礮攻
 其前漢奸二千餘梯山後攻其背其
 橫檔靖遠威遠各礮臺僅能自保且
 俱隔於洋船不能相救連陞父子遂
 戰死(詳續記)按陳連陞父子死事

詳宦績

道光二十一年修北城文昌宮知府楊希
銓暨紳士等捐修朝門故西向改作
南方內向遷先代祠于殿左移建奎
閣于東偏巽位經始于十九年至是
落成共費白金四千餘兩有碑記(惠州府志)
是年建拉塔石礮臺以澳門汛把總
移駐仍兼管汛務(采訪冊)

正月初三日總督琦善會英酋義律於
虎門外之蓮花山十九日會於蛇頭

灣(東華全錄卷之四)再申和議於煙價外

復以香港地許之並歸浙江俾人以

易定海城琦善與立契約遂於正月

赴虎門宴義律於獅子洋(洋報征摺記)按

東華全錄是年正月辛卯諭稱琦善

抵粵英人索價煙價請給馬頭又

正月甲午琦善奏查英吉利進兵情

形又正月丁酉諭香港地方離省遠

近若干里地形寬狹若何在彼開港

是否有關利害著一併查明迅速具

奏即會義律時事也

是月上命奕山為靖翼將軍隆文楊

芳為叅贊大臣馳驛赴廣東討英夷

又命調四川貴州湖南江西兵赴剿

命祁墳為兩廣總督(採訪冊)

二月初五日英夷攻橫檔虎門礮臺水

師提督周天培死之(夷船竊海記)

琦善委官拆桑園圍石塞海鄉人苦

亦乃罷更以沙石塞淺烏涌獺德等

處(採訪冊)初七日英夷攻烏涌土礮臺

是時湖南鎮竿鎮總兵祥福率湖南

兵千餘甫至琦善遣禦夷於烏涌夷

兵至湖南兵且戰且走後阻小溪溺

死者半祥福死之(夷船竊海記)

初九日夷人陷港洲土礮臺(採訪冊)

初十日陷臘德礮臺(同上)

十二日撤奇石鄉土礮臺官兵回城

廣州府余保純往黃埔議款未成(同上)

十三日叅贊大臣湖南提督果勇候

楊芳至廣州(夷船竊海記)

十四日夷人陷二沙礮臺(采訪冊)

二十二日英夷陷大黃濬口礮臺遂

擾掠南石頭(同上)

是日黎明英夷駕大船自南路入破

湖洲礮臺殪守勇隨至沙浦礮臺入

渡頭村淫掠過野廟笑愚人奉此土

偶斬之頭墮地村人怒與戰雷北成

等十人死之(見忠義傳)

二十四日官兵在鳳凰岡擊退夷船

(采訪冊)

二十六日夷人攻鳳凰岡土礮臺西

礮臺永靖礮臺海珠礮臺遂入公司

行豎旗(同上)

夷酋警揚芳威名使人持書至鳳凰

岡議款沿途探水總兵長春受其書

送城中待報而夷人已分道深入破

鳳凰岡營進宮東西礮臺盡扼備德

大黃濬兩路矣(夷艘略海記)

二十七日英夷求通商暨准各國照

常明易(采訪冊)

英夷知朝廷赫怒恐貿易永絕各國
 商船罷市久亦皆咎英夷乃託味喇
 嚶國夷目與洋商伍怡和投書言不
 求別情但求照舊通商如有夾帶鴉
 片船貨入官琦善所許鴉片價及香
 港地皆不敢市矣楊芳諭令退出虎
 門義律言俟奉通商之旨兵船乃退
 是月楊芳奏請先開港脚夷人互市
 奉旨不許時定海夷船亦至廣東共
 五十艘半泊香港半入虎門樹幟出

曹鶴庄靖逆將軍奕山將至以各省
 兵礮攻具未集駐韶州以俟(夷船刻油記)
 二十八日夷人開艙賣貨西據大黃
 濠礮臺東據嶺德礮臺任民船往來

(采訪冊)

是月英夷肆逆搤擾省會沿海各邑

(社金縣志)

是月諭琦善到粵以後節經諄切詰
 誡迷而不返自稱專辦夷務不令阿
 精阿怡良等與聞於一切防守剿堵

事宜置之不問並因有繳還定海之言輒將義律呈遞伊里布文件及該目給留浙頭目信代為由驛遞交伊里布致致伊里布聽言頓從遲延觀望香港地方緊要前經琦善奏明如或給予流弊不可勝言旋又奏請准其廣東通商並給香港地方泊舟寄居前後自相矛盾已出情理之外況此事並未奉旨允行何以該督即令公然占據朕君臨天下尺土一民莫

非國家所有琦善擅與香港擅與通商膽敢乞朕施恩格外且伊被人恐嚇奏報粵省情形妄稱地利無要可扼軍械無利可恃兵力不固民情不堅摘舉數端危言要挾更不知是何肺腑如此孤恩誤國實屬喪盡天良琦善着即革職鎖繫未京嚴行訊問所有家產即行查抄入官

(東華全錄)

是月初五日英人攻橫檔虎門礮臺因英人號召曰多器械曰備凶燄百

倍於前於是提督關天培死之

(夷艘被擄記)

初七日英人攻烏涌土礮臺湖南鎮

軍鎮總兵詳福死之同上按關天培詳

福死事詳官績

三月賈林則符四品卿銜往浙江協辦

軍務(國史館林則徐傳)

林則徐以四品頂戴往浙江辦夷務

(采訪冊)

則徐戒期出城時洋艘碇城有願得

而甘心之謠中軍副將與廣州余太

守請以千人或五百人護行則徐却

之乘輿張蓋棹數騎飄然徑去英人

登桅持遠鏡相睇貽歎服不已(逸事通錄)

相傳則徐抵粵即鎖擊洋商伍姓至

粵秀書院伍自陳願以家資報效則

徐惡其唐突怒曰今大臣不要錢要

汝腦袋爾命下之獄伍懼不免遷其

賄入都賂諸朝貴則徐遂革職未幾

復戍伊犁咸豐初髮逆亂起則徐起

為廣西巡撫換伍臺其復督粵也遣親

信人攜巨金賄其廚人以夷藥酖之
使泄瀉不止行至潮州遂委頓而卒
後所遺親信白日為雷擊死此事立
罕知者然廣州人多能言之

是月二十三日靖逆將軍宗室奕山
奏贊大臣隆文就任總督而墳皆至

廣州(夷艦劫海記)

四月初一日分三路攻夷船一由西礮
臺出中路一由泥城出右路一由東
礮臺出左路日暮出城先用四川餘

丁克水勇者四百廣州水勇三百乘
小舟分路夜伏聞礮齊起破其二桅
大船二杉板小船五義律自夷館登
舟逃免黎明夷兵乘順風來攻官兵
退走夷人焚泥城所備木筏材料及
油燕船三十餘艘(同上)

夷人焚社墩石公祠金利埠及河南
洲嘴(采訪所)

越三日義律投書約戰乃環攻城東
南西三面時重兵屯東南二路佛山